

12

COSMETICA INNOCUA.

DISSERTATIO

INAUGURALIS MEDICA

QUAM

**CONSENSU ET AUCTORITATE MAGNIFICI
DOMINI**

PRAESIDIS AC DIRECTORIS SPECTABILIS AC PERILLUSTRIS DOMINI
DECANI, NEC NON CLARISSIMORUM DOMINORUM PROFESSORUM PRO
DOCTORIS LAUREA SUMMISQUE IN MEDICINA HONORIBUS ET PRIVI-
LEGIIS RITE, ET LEGITIME CONSEQUENDIS, IN ALMA AC CELE-
BERRIMA REGIA SCIENTIARUM UNIVERSITATE HUNGARICA.

PUBICAE DISQUISITIONI SUBMITTIT

MARCUS WEISZMAYER,

HUNGARUS QUINQUE-ECCLESIENSIS.

In Theses adnexas disputabitur in Palatio Universitatis.

BUDAE,

TYPIS REGIAE UNIVERSITATIS HUNGARIAE.

M. DCCC. XL. IV.

A' fiatalságnak szép napjai, a' gyönyörű kor
Hirtelen illan, mint felhők sebes árnya tavasszal

V ö r ö s m a r t y.

Discite, quae faciem commendet cura puellae
Et quo sit vobis forma tuenda modo.

MÉLTÓSÁGOS

N A G Y A T T Á D I

CZINDERY LÁSZLÓ

Ú r n a k

Ő Császári királyi Felsége Tanácsnokának

Tkt. ns. Vas Vármegye Fő-Ispányi Helyettesének

Ő Nagyságának

Több Tkt. ns. Vármegyék Tábla-Birájának

s. a. t.

A'

Haza, Emberiség, és Tudomány

ügyében

Fáradhatatlanul buzgó Férfiúnak

Minden Jó Szép 's Nagy

Hő keblű előmozdítójának

Nagy kegyü Pártfogójának

Legmélyebb Tisztelete Jeléül

ajánlja

a' szerző.

P r a e f a t i o.

Accidentalibus fortunae bonis, quibus mater natura suos gratos muneratur, pulchritudo corporis merito adnumerari potest, constituit enim litteras commendaticias in diversis relationibus vitae. Magis transitoria est interim formositas foeminae, quam ea viri. Hic adtentione in semet ipsum directa, eam facile conservare potest, dum contra mulier vix destinationem, qua coniux, et mater implevit, aut aliquot vitae incommoda experta, jam videt suam venustatem flaccescere ac languescere. Cum tamen venustas pro sexu sequiori multo maioris sit momenti, quam pro virili. Non minus indifferens potest mulier esse hocce respectu, quam nos respectu virium nostrarum. Sed possidet ars remedia, quorum ope caduca corporis formositas longo tempore conservari, imo et perdita ex parte restitui potest; et uno, et altero occupatur Cosmetica, quam multi medicí negligunt, quasi eos hanc artem tractare dedeceat, sed immerito, nam praeterquam, quod formositas, et sanitas in intimo sint nexu, quod copia-remediorum in Cosmetica usitatorum, uti praeparata hydrargyri, plumbi, zinci, bismuthi etc indi-

recte, et audaciter adhibita sanitati quam maxime noceant, a medico saepe etiam petitur remedium cosmeticum, praesertim a juniore, quem in simili casu frequentius accedunt, quam senes gavioribus negotiis occupatos, potestque sibi maculam cutis, facile, secureque sanando firmam lucrari fiduciam, non solum matronarum, sed etiam virorum, quorum non pauci delicatiores sunt illis. — Magnus se mihi scientiarum medicarum in scribendo offerebat campus, ita ut in tanta thematum ubertate dubius haeserim, quidnam Dissertatione mea inaugurali ederem. Tandem Cosmeticam selegi, non quidem in conscribendis his pagellis perfectam promitto; nam talis complectitur plures ramos Scientiae nostrae, quod opus Dissertationis limites longe transgrederetur, et tamen relative quoque mancum semper maneret. Si itaque per hos primos meos conatus litterarios amicis, ac collegiis maiore tractatus huius opere destitutis saltem quidpiam utilitatis praestitero me operae pretium fecisse non dubitabo.

C o s m e t i c e s

Notio Historica.

Historia Cosmetices est generi humano coaeva, nam non solum luxuriosi orientales, qui se quotidie in fluidis suaviter olentibus balneant, colunt Cosmeticam, sed etiam pauper Samojeda, cuius coniux succo baëcarum supercilia tingit, et capillos adipe piscium ungit, utitur remediis cosmeticis, et non minus studet arnatui, quam illi, qui annue millia florenorum hunc in finem expendunt. Saltem complexus remediorum huic scopo dicatorum est diversus, non autem necessitatis origo. quae hic, et ibi penes nationes maximae culturae, et penes barbaros semper eadem manet, nempe instinctus vanitatis.

Definitio et Divisio Cosmeticorum.

Nomine Cosmeticorum (Cosmetica venit a graeca voce κοσμεω verschöneru) veniunt remedia, quae corpori adfectam pulchritudinem in quantum fieri potest restituunt, et ipsi maiorem formositatem tribuunt. — Cum formositas hominis absque sanitate cogitari nequeat, Cosmetica efficit partem Diaeteticae, pari ratione efficit partem Chirurgiae v. g. per efformationem artificialem oculorum, nasi, membrorum etc etiam Medicinae, dum per remedia interna vitia coloris cutis v. g. Icteri, Chlorosis sanat. — Cosmetica sensu stricto, seu popularis, de qua hic agere intendo, occupatur cultura super rectis medicinae principiis fundata cutis, unguum, capillorum, et dentium, cui appendicis instar iungi possunt remedia, quorum ope ingratum frequenter occurrentem oris foetorem tollere nitimur.

I. *Cosmetica cutis.*

Praecipua sedes formositatis cutis est, si nempe debitam albedinem, teneritatem, et sanitati convenientem splendorem exhibet, ad quod obtinendum prae omnibus aliis requiritur cutis mundities, per quam non solum removeantur peregrina casu cuti adhaerentia, sed etiam ea, quae per ipsam continuo secernuntur, porro frequens balneorum usus, et lotio, huic scopo magis respondet aqua pluvialis, et fluvialis. quam putealis, nam cutim magis glabram, tenerioremque reddit, saponemque facilius solvit, quod ut eo facilius consequatur, cutisque mollis bysso quasi similis reddatur, diversa adhibentur remedia cosmetica, quo spectant 1 aquae, 2 sapones, 3. Pulveres, 4. Pastae, 5. Fuci.

1. *Aquae Cosmeticae.*

Aquarum Cosmeticarum finis est formositatem cutis augere, vitiaque eius praesentia fors tollere, aut in quantum fieri potest imminuere. Praecipuae harum sunt:

1. Aqua Cosmetica Hufelandii:

Rp. Furfur. amygdalar. drach. duas

Aquae rosarum

Aquae naphae aa unc. septem

ut f. emulsio

adde

Tinct. Benzoes

Boracis depur. aa drach. unam

(cuti nimis irritabili praesente sine borace)

M. S. Waschwasser Abends vor dem Schlafengehen zu gebrauchen.

2. Aqua Cosmetica composita Hungarica:

Rp. Folior. roris marini libr. unam et semis

Folior. lavandulae librae quartam partem

Herbae thymi unc. duas

Affunde spiritus libras tres cum sufficienti quantitate aquae digere per noctem, destilla, et in vitris bene clausis asserva.

3. Lac virgineum (Jungfernmilch) Super Benzoes pulverisatae unc. 2 funduntur spiritus rosarum librae 2, vitrum subere bene clausum exponatur per octiduum soli, aut alio loco calidiori, agita per diem aliquoties, et filtra. Cochlear cibarium fluidi hac ratione obtenti sensim sensim miscetur

cum poculo aquae destillatae. obtineturque species lactis albescentis, suaviter olentis.

4. Species lactis, quae cutim albam, teneramque reddit, sequenti paratur modo: Amygdalarum amararum excortie. unciae 2 cum simili quantitate seminum papaveris albi insperguntur cum exigua quantitate aquae rosarum, in mortario aurichalceo puro per dimidium horae conteruntur, durante contusione affunditur aquae rosarum fortis libra una aquae aurantiorum unc. 2, aq. petroselini unc. 4, sic ortum lac album premitur trans linteum purum, lagenae infunditur, et cum aliquot guttatim additis cochlearibus Tincturae Benzoes agitando servatur.

Plerisque aquis cosmeticis sequens tinctura misceri potest.

Rp. Benzoes unc 3
 Storacis, caryophyllorum aa unc. unam
 Nucis mosch. Cassiae Cinnamom aa drach. duas
 Vanillae drach. unam

M. digere cum alcohol. vini unc. XXIV per triduum, dein coletur cum expressione. — Haec tinctura omnes aquas cosmeticas lactescentes reddit, grate olet, et eam prae communiter nota Eau de Cologne habet praeferentiam, quod de illa multo minor requiratur quantitas, quam de l' Eau de Cologne.

2. *Sapones Cosmetici.*

Sapo niger sine dubio optime mundat, sed odor eius est ingratus, et cutim sensibilliozem fortius irritat, illi praefertur sapo venetus, et plures species saponum cosmeticorum.

1. Rp. Saponis Hispanici pulveris. libram unam
 Furfur. amygdalarum unc. duas
 Potassae depuratae unciam semis
 Olei thymi guttas viginti
 Spiritus Majorani unc. quatuor

Misce exacte cum mucilagine Gummi Tragacant, et aqua florum aurant, redige in pastam, ex qua pro lubitu formantur globuli. Sapo hic utilis contra cutim impuram, asperam, et maculosam, item contra lentiginem, et ephelidem.

2. Sapo mellitus: Rp. Saponis veneti rasi unc. tres, solve in exigua quantitate aquae rosarum donec in pultem

rediguntur tenuem, quae cum mellis depurati unc. una et semis inspissatur ad consistentiam unguenti, cui adhuc pro lubitu additur pulvis Benzoës, et oleum aliquod gratum, ac in pixide pro usu asservatur.

3. *Pulveres Cosmetici.*

Per exsiccationem saponis, et admixtionem diversarum substantiarum obtinentur pulv. cosmetici:

1. Rp. Saponis medicati exsiccati. farinae fabarum aa unc. quatuor
 Pulv. rad. Ireos florentinae unc. duas. adde
 Olei Citri gutt octo
 M. D. S. Pulver.

2. Pulv. cosmeticus pro tendendo:

Rp. Saponis albi aere exsiccati, ac in pulv. redacti lib. unam
 Pulv. subtilis gum. arabici unc. unam
 Pulv. rad. Ireos florent: unc. semis. Instilla
 Olei rosarum, v. de bergamo, v. lavandulae
 gutt. duodecim
 M. D. ad pixidem e lamina confectam.

4. *Pastae Cosmeticae.*

Nomine pastarum veniunt miscelae unguentis similes, in quibus tamen pinguedo minus, quam reliquae substantiae basim principalem constituunt: Praecipuae sunt:

1. Amygdalarum amararum, et dulcium excorticatarum aa libram semis, contere in mortario, sub contusione additur sensim libra una mellis albi depurati, et eadem quantitas aquae aurantiorum, huic miscelae bene contusae adduntur succi Citri recentis tria cochlearia cibaria. Pastaque obtenta in pixide porcellanea asservatur.

2. Pasta ex solano tuberoso confecta. Alba, et multum farinae continentia solana tuberosa ad mollitiem coquuntur, a cuticula liberantur, refrigerata raduntur, ac cum lacte, et vitello ovi bene contunduntur. Est praestans surrogatum saponis amygdalini, potestque per additum pulverem radicis Ireos florentinae odor gratus ei tribui.

3. Rp. Saponis med. exsicc. farinae fabarum aa unc.
 unam
 Amygdalarum excorticatarum tritar. unc. semis.
 Gummi mimos. drach. duas.
 Rad. Ireos flor. drach. unam et semis
 Aquae ros. q. s. u. fiat. pasta. M. D, S.

Possunt pastae hae diversa ratione variari, et per addita olea aetherea, tincturas, balsama etc. vario modo mutari.

4. Olei amygdalarum, et spermatis Ceti anatica quantitas miscendo altiore tempore solvuntur, miscelae additur sufficiens quantitas olei lavandulae, vel Citri, pasta obtenta manus ante decubitum inunguntur, manicae coriaceae induuntur, et altero die mane inunctae manus lavantur aqua furfurum amygdalarum; per longiorem huius remedii usum manus dura, et aspera, albedinem, ac mollitiem bysso similem acquirit.

- 5 Rp. Butyri Cac. recentis. unc. duas
 Spermatis Ceti unc. unam
 Olei amygdalarum unc. quatuor

Tota massa liquefiat, et teratur usque ad refrigerationem, sensim sensim additur quidpiam aquae lavandulae.

5. *Cosmetica in colorem cutis agentia, seu fuci.*

Haec sine detrimento vix longiori tempore adhiberi possunt, nec foeminae honestioris conditionis (praesertim id valet de fuco rubro) iis utuntur. Influxu nocivo summuntur consuetim pro fuco albo oxydum bismuthi, et Cerusa alba, pro rubro Cinnabaris. Cum certae tamen personae etsi cultae usu huius speciei cosmeticorum carere vix possint, scilicet scenici, his pro fuco albo minime nocivo commendari possunt talcum in sapone, vel emulsione, pro rubro carminum; etiam pulvis ireos florentinae, quo turcae saepe utuntur est cosmeticum innocuum.

Cosmetica contra adfectiones cutis directa.

Adfectiones cutis, contra quas cosmetica expositurus sum, non dubito cuique sufficienter notas esse, ideo diagnosim illarum non illustrando, saltem cosmetica cum fructu jam adhibita recensebo.

1. *Cosmetica contra Lentigines* (Sommersprossen)

Lentigines individuīs utriusque sexus, frequentius tamen sequiori sunt propriae praesertim si cutis foeminarum est alba, munda et glabra. Suntque nihil aliud, quam squamae epidermidis, quae per influxum solis et lucis oriuntur, dum cutis sudans, aut madida illorum actioni exponitur. Hinc in depellendis lentiginibus primum est causas excitantes vitare, dein cosmetica adhibere remedia, quorum praecipua sunt: Neumann laudat seq. tincturam:

1. Rp. Rad. Hellebori albi unc. unam

Digere per sex dies in spir. vini unc. octo in loco tepido

D. S. Täglich dreimal die Haut mit der überstehenden klaren flüssigkeit zu bestreichen.

2. Rp. Potio Riveri cum succo Citri parati drach tres

Aquae rosarum unc. duas

Aquae oxymuriaticae unc. unam

Aquae florum naphae unc. quinque. M. D. S.

3. Aquae rosarum, et albuminis ovi recentis anatica quantitas miscetur, miscelaque obtenta omni vesperi facies illinitur, ac altero die mane facies aqua cosmetica lavatur. Si lentigines coloris essent profundioris, tunc vesperi illinuntur succo Citri, qui postquam desiccatus tunc rursus miscela aquae rosarum, cum albumine ovi.

4. Miscela aquae rosarum cum succo Citri recenter expresso facies illinitur, quae postquam desiccata est, illinitur cum exigua quantitate butyri recentis insulsi, quod omni vesperi repetitur, et mane facies lacte virginum lavatur.

5. Pro infallibili habetur cosmetico: Succum Citri recenter pressum pomi unius, cum spiritu vini, et lacte cochlearis unius coquendo, et despumando.

6. Hufeland maxime laudat emulsionem e furfuribus amygdalarum cum aqua rosarum, et naphae, cui addatur tinctura Benzoës, et Borax Veneta.

Remedia haec optime adhibentur hyeme ad finem vergente, aut media aestate.

2. *Cosm. contra Ephelides* (Leberflecken)

Producuntur frequentissime per infarctus hepatis, graviditatem, scrophulosim, arthritidem, siphilidem, tunc re-

mediis congruis tractari debent, dum autem malum constituunt topicum, seq. remedia effectui salutari adhibentur.

1. Tinctura Hellebori albi contra lentigines commendata etiam hic adhiberi potest. Ephelidibus saepius recurrentibus dicta tinctura deletis, omni octiduo adhibetur balneum calidum, post quod tota cutis superficies Opodeldoc bene illinitur, quo facto ephelides vix amplius redeunt.

2. Adhibetur Borax forma concentrata: Boracis drach. sem. solvitur in aq. rosarum unc. una, quo ephelides saepius madefieri debent.

3. Bene agit hic Camphora:

Rp. Spermat. Ceti. mellis depur. aa unc. unam
Camphorae drach. unam. M. D. S. Ungent.

4. Item Alcalia:

Rp. Fel. Tauri drach. duas
Sapon. medic. unc. unam
Kali Carbon. drach. unam
Olei amygdalarum q. s. u. f. pasta. M. S. usui.

3. *Cosm. contra Guttam Rosaceam* (Kupferausschlag oder Kupfer-nase)

Causa principalis est peculiaris dispositio cutis, unde Gutta rosac. saepe haereditaria, et integris familiis propria esse potest. Causa frequentissime excitans est excessivus usus spirituosorum, sed, occurrit etiam in individuis, quae potentis spirituosos parce utuntur, et tunc alter status morbosus sublatitat: syphilis, abusus mercurii, symptoma haemorrhoidum, menstruationis, vel turba secretionis bilis. — Si malum tantum constituit topicum, quod ex sedula investigatione apparet, tunc plurimum praestat Camphora, efficacissime agit spiritus camphoratus, a nonnullis aegre fertur, et eius locum meliori saepe effectui supplet Opodeldoc, vel nonnunquam camphora conteritur cum axungia porci in speciem unguenti, et parti adfectae adplicatur. Hufeland specificam virtutem tribuit seq. miscelae.

1. Rp. Aquae fontanae dest. libram unam semis
Lactis sulph. drach. quinque
Camphorae subactae drach. duas

M. S. Alle Abend die ausschlagsstellen damit zu befeuchten, und früh abzuwaschen.

2. Most laudat. seq. form.

Rp. Aquae Goulardi. Aq. rosar. aa unc quatuor
Sulph. pulver. drach. duas

M. S. Stark umgeschüttelt Abends und Morgens anzuwenden. (De hocce remedio licet a Most landatum, notandum usu eius guttam rosac. quidem disparere, sed eius locum maculas nigras supplere, quod et cognitio chemica, et experientia docet.) Idem valet de Varis (finnen) quae similibus uti Gutta rosacea causis producuntur, et iisdem ferme remediis sanantur.

4. *Cosmetica contra Phlyctaeas* (Wimmerl)

Propriae sunt individuís, quae laborant congestionibus versus caput, quae alvi depositionem habent segnem, et cutim teneram. Infestant aetatem juvenilem, et virilem utriusque sexus, comparent imprimis in fronte, facie, nunquam in parte inferiori trunci. Statu phlogistico praesente commendamus methodum antiphlogisticam, dietam blandam, tenuem, aquam puram, simplicem, serum lactis, dissuademus cibos acres, aromaticos, ac potus spirituosos. Ubi nulla causa specifica detegitur, contra morbum topicum cutis, topica etiam remedia adhibemus, et hic frequentissime bono effectui datur solutio boracis, quae qua talis continetur in jam commemorata aqua cosmetica Hufelandii.

5. His iungi possunt verrucae (Warzen) maiori saepe numero in manu occurrentes, quae optime tolluntur oleo tartari (Weinsteinöhl) quo eae frequenter per diem illinuntur, vel inunguntur tinctura frondium sabinae penicilli ope, si huic solutioni rebelles essent, tunc alternatim fiat usus externus Butyri Antimonii.

6. *Cosmetica contra Comedones* (Mitesser)

Sunt puncta exigua nigricantia, elevata in folliculis cutaneis sebo crassiore instructis residentia, ex his expressa referunt fila vermibus similia. Hic praecipua cura munditiei est habenda, frequens lotio cum aqua saponaria. Dum occupant faciem, suntque minori numero, acu tenui excipiuntur. Si peripheria comedonum est inflammata, cutis linimento Opodeldoc lenissime teritur, quotidie aqua de cologne lavatur, serius dum cutis iam magis est glabra aqua frigida. Si tanta sit eorum copia, ut exprimi non possint, cutis vesperi inungitur miscela constante ex anatica quan-

titate mellis, saponis, et farinae, ac altero die fit lotio aqua furfurum.

7. *Cosmetica contra Perniones* (Frostbeilen).

Est erythema ab influxu frigoris provocatum; sedem habet in digitis manuum, ac pedum, subinde in naso, ac auriculis, aestate parum molestat, sed quamprimum hyemis imminet, partes pernione affectae intensius rubent, subinde tument, et splendent, non raro sensum molestum pruritus et ardoris excitant, et morbo incremente exulcerantur. — Praecaveri possunt, si homo jam a tenera aetate frigori perferendo assuefit. Quamprimum phaenomena pernionis in aliqua parte corporis se manifestant, pars illa nivibus, aut aqua glaciale fricanda est, illuc usque, donec sensibilitas, et calor normalis revertantur, in defectu nivium, adhibemus solutionem salis ammoniaci, si inflammatio cutis est intensior, emollientia, oleum lini, olivarum, amygdalarum dulcium, sebum, sperma ceti, decoctum furfurum, raparum albarum etc sunt indicata, phlogosi non remittente applicantur hirudines, his non sufficientibus prodest saepe unguentum efformatum ex anatica quantitate Terebinthinae, et Camphorae, vel usus externus olei Petrae in connubio cum Camphora anatica quantitate. A sequenti miscela jam ipse effectum salutarem in pernione pedum inveterata conspexi.

Rp. Unguenti Lithargyri

Olei Lauri excocti aa drach. sex

Ammoniae purae liquidae

Tincturae opii compositae aa drach. semis

M. exactissime fiat unguentum. S. Usui.

8. *Cosm. contra Rugas* (Runzeln)

Rugae in sequelam maciei, et senectutis ortae tolli nequeunt, sed si originem trahunt ex neglecta cultura cutis in facie personarum iuniorum, plura laudantur Cosmetica, inter quae praecipua sunt:

1. Rp. Tincturae Bals. Peruviani nigr. drach. sex

Lixiv, Kali Carbon. unc. semis

Aquae rubi Idei unc. sex

Vini gallici flavi vetusti unc. quatuor M. D. S.

2. Schreger commendat seq. miscelam: Remote ab igne in lebetes stanneo funduntur duae unctae cerae albae, cum

qua bene terendo ununtur succi recentis Scillae, Lillorum, mellis depurati aa unè duae, cui adduntur olei de Bergamo gutt viginti. Unguento obtento pars rugis adfecta tenuiter illinitur.

3. Trommsdorf suadet, ut pulvis Myrrhae spargatur super instrumento ferreo lato candefacto, fumus exiens dimittatur in faciem, per aliquot minuta secunda capite linteo obvelato, ne fumus dissipetur.

4. Unciae quatuor hordei coquantur cum libris duabus aquae pluv. v. fluviat. in olla nova oblecta usque ad crepitationem seminum, decoctum refrigeratum premittitur trans linteum, atque pro omni libra fluidi obtenti adduntur viginti grana Balsami Peruviani, miscelaeque haec in lagenâ obturata conquassatur eousque donec se ex integro unierit. Omni vesperi, et mane facies rugosa hocce decocto lavatur.

II. Cosm. contra deformitatem unguium.

Formositati manns multum saepe detrahitur per deformitatem unguium, nonnulli eorum sunt maculis flavis, alii rubris, aut bruneis, vel nigris, aut albis notati, vel adest deformitas quoad volumen eorum, per Cosmetica adhibenda vitia haec saepe tolluntur. — Ad obtinendum amoenum unguum colorem ii sapone sufficienter loti, unguento ex anatica quantitate cinnabaris, Smiritidis pulverisatae, et sufficienti quantitate olei amygdalarum confecto teruntur, quousque albi, ac transparentes conspiciuntur, ac sapone amygdalino mundantur. — Maculis unguum praesentibus, tunc hi miscela constante ex anaticis partibus picis, et terebinthinae liquidae, cui additur exigua quantitas florum sulphures ante decubitum obducuntur, et altero mane iterum mundantur. Maculis fugatis, unguis unguento superius commemorato deteruntur. — Volumen unguis auctum, quod vitium ex abscessu inter unguem, et phalangem tertiam efformato originem ducit, suffertur si inveteratum nondum sit, unguem talem cera longiori tempore obducendo.

III. Cosmetica capillorum.

Capilli multiplici respectu constituunt obiectum Cosmetics. Ars hic multum praestat in emendandis vitiis congenitis, limitibus semper circumscriptis. In cultura capillo-

rum principalis conditio est mundities, quo spectat pectinatio, et frequens eorum abscissio. Mundities, quam maxime colitur, si capilli quotidie mane, prius dentibus pectinis minus, dein magis approximatis pectuntur, dein seta molliori hunc finem parata tranctantur. Capillitium immundum, et crines multum pingues insperguntur potassa pulverisata, aut albumine ovi inunguntur, aquaque pluviali, vel fluviali lavantur. His omnibus observatis accidit saepe, ut capilli debito modo non crescant, imo excidant, vel per morbum gravem praegressum, vel sine illo, quod semper ostendit statum abnormem vitae vegetativae. Frequenter color illorum praeprimis ruber peculiarem impressionem ingrati exierit. Quo in casu salutem quaerimus in cosmeticis, quae etiam contra canitiem aetate adductam successu saepe felici adhibentur. — In delectu remediorum incrementum capillorum praesentibus adhuc eorum radicibus promovendum, in causam status morborum semper indagari, individualitatisque summus respectus haberi debet; Remedia spiritiosa, et olea aetherea ab agyrtis tantis encomiis laudata maxime saepe nociva, vitentur.

Ad incrementum crinium promovendum plures adhibentur miscelae, quarum praecipuae sunt:

1. Medullae ossium recentis leni igne liquefactae, ac filtratae unc. sex, in patina bene conteruntur, dein sumuntur Extracti Chinae drach. duae cum tanta quantitate aquae bene contritae, et Balsami Peruviani drach. una, quae teruntur usque ad disparitionem distinctionis partium, cui dein medulla contrita successive additur, ita, ut unguentum obtineatur ex integro aequale, quo omni vesperi capilli bene inunguntur, et altero die aqua cum exigua quantitate cremati remixta lavantur. Post lotionem cum aqua capilli aeri libero non sunt exponendi, et si per hoc asperi redditi, oleo puro, non rancido sunt inungendi.

2. Unguentum a Trommsdorf commendatum. Unciis duabus cerae albae leni igne liquefactis, axungiae porci libra una prius aqua puteali eousque lota donec odorem ex integro perdiderit successive additur, qua soluta vas ab igne removetur, massae liquefacta in patinam ligneam effunditur, eousque teritur, donec refrigerari incipit, huic uniuntur massam continuo terendo aq. rosarum fortis unc. quatuor, et sub fine adduntur olei de Bergamo, Lavandulae, Citri aa guttae viginti, olei Thymi gutt. decem, et olei Caryophyllorum gutt. quindecim.

3. Simpliciori modo, bono pariter effectui in hunc finem adhibendum unguentum sic parari potest: Unguenti rosarum, et Balsami Peruviani anaatica quantitas invicem miscetur, et omni tertio die capilli eo inunguntur.

Contra defluvium capillorum, et alopeciam innumera adhibentur remedia, Galenus remedia in defluvio capillorum, et pilorum adhibenda, quae proximam huius mali causam tollunt vocat Metasyncritica, et suadet pilos corruptos vel forcipula, vel emplastro piceo (Drapocismo) extrahere, aut totam partem morbosam tondere, post quod caput lixiviam, in qua capilli veneris, politrichium, abrotanum, et similes plantae coquuntur, lavatur, post lotionem linteo non multum molli, et non multum sicco eousque teritur, donec cutis rubescere incipit. Hoc terminato remedia adhibentur topica: Sinapis, nasturtium, radix liliorum alborum, oleum laurinum etc. In delectu horum remediorum individualitatis respectus semper habendus. Inter remedia composita proponit:

1. Rp. Pulv. cineris arundinis usti
Pilorum caprae ustorum
Adipis ursini
Picis liquidae
Cedriae aa partes aequales. Nominatque remedium admir.

2. Rp. Pulv. Seminum crucae
— Nasturtii
— Nitri aa partes aequales
Cum oleo laurino, vel pice liquida miscentur.

3. Unguentum celeb. Depuytren seq. continet miscelam:
Rp. Medullae ossium unc. quatuor
Calomelis drach. duas et semis
Tinct. Cantharidum grana septemdecim
Olei rosarum guttas duodecim. M. D. S. Unguent.
Instar remedii, incrementum capillorum promoventis suadet.

4. Beauchamp, solutionem granorum 4 — 5 Tartari Emetici in uncia una aquae, et adfirmat hoc remedium adhiberi posse contra alopeciam ex acutis morbis praegressis, ex maiori usu hydrargyri, ex tinea exortam, imo talem huic remedio tribuit virtutem, si pili novi hac solutione 2 — 3 vicibus inunguntur, hi acquirunt colorem priorum similem.

5. Contra calvitium incipientem. adhibet Rhases seq.
Decoctum:

Rp. Grana myrthi

Galas. Emblicos (Endiwiensamen) q. vis
decoquantur cum Oleo rosarum, aut myrtino.

6. Inter remedia fortiora huius speciei habetur ab eodem:

Rp. Cantharides recentes ablatis pedibus, et capitibus. Exsiccatae in umbra terantur in oleo olivae, donec totum ingrossetur. S. Zum Einreiben.

7. Villanouva inungit capillos seq. unguento:

Rp. Pomum unum colocynth. Extrahetur. quod interius est, et impleatur oleo laurino, et auripigmento, foliisque hyoscyami, et bulliat per se supra ignem in se ipso. S. Zum Einreiben. (Est remedium ob indeterminatam quantitatem arsenii continentem spernendum).

8. In defluvio capillorum ab eodem seq. remedium, qua praestans laudatur:

Rp. Stercoris muris

Cineris apum aa q. s.

Terantur, et pistentur cum Oleo ros. S. Zum Einreiben.

Huic tantam tribuit efficaciam, ut asserat se hocce remedio in vola manus iam pilos produxisse. Simili ratione agat stercor caprae oleo mixtus, et in caput tonsum inunctus.

9. In defluvio capillorum post morbum exorto suadet Sennert:

Rp. Pulv. rad. Bardanae unc. sex

Pulv. capill. Veneris. M. tres

Pulv. Abrotani M. unam

Affunde vini albi q. s. destillentur in vesica. Destillato si libet addatur aqua mellis. Vel lavetur caput lixivina in qua coquitur radix bardanae, aut Buxus (Buchsbaum.)

Ad promovendum barbae incrementum laudatur:

1. Rp. Herbae Artemisiae q. vis coquatur cum oleo. S.

Pro inunctione in regione barbae

2. Rp. Pulv. Sem. nigellae (Schwarzkümmel-Samen),

Olei ovorum q. s. misce.

Contra colorem capillorum canum, aut rubrum in oculum incidentem plura adhibentur remedia, inter quae commendari possunt:

1. Usus pectinis plumbi.

2. Lotio capitis omni secunda v. tertia die cum vino, in quo antea digerebatur per 12 — 24 horas cortex salicis, nucum juglandum etc.

3. Unciae quatuor Potassae depuratae solvantur in libra una aq. rosar., hac solutione inunguntur capilli omni tertio die, et sole siccentur. Hocce remedio statuit Prieszterberg capillos multum flavos acquiri colorem obscure flavum, rubros castaneo bruneum, canos cincinnos autem fieri lucide bruneos.

4. Ad colorem capillorum nigrum obtinendum:

Rp. Noces virides mense Junio, eosque contunde, et admisce aluminis rasi libram semis, huic in olla nova affunde Olei libras tres. Stent in digestionem per 20 dies liquore colato caput illinatur.

5. Remedium simplex, et minime nocivum ad mutandum colorem capillorum flavum in obscurum est frequens eorum inunctio oleo cucurbitae, aut melius oleo ovorum.

6. Color capillorum in nigrum vertitur usu sequentis remedii: recipe decoctum quercus, et amalgama oxydorum metallorum plurium sub nomine Rasasu ex Turcia, et Servia adlatum, digereque longiori tempore in spiritu vini.

Color capillorum qualiscunque in nigrum mutatur longiori usu olei macassar.

Ruber barbae color tollitur, si illa utprimum tonsa est aceto plumbi lavetur, quod iterum momento post tonsionem delavatur aqua tepida. Hocce remedio per mensem adhibito barba non amplius rubra, sed brunea prodit. — Ceterum in electu remediorum ad colorem capillorum mutandum, summa cautela utendum, cum facile noxium exerunt effectum.

IV. *Cosmetica Dentium.*

Dentes singulare constituunt ornamentum sexus praecipue sequioris, hinc merito in eorum culturam summam convertunt diligentiam, quae tamen fini semper sit, quam maxime conveniens. Apud plerosque homines dentes bene

formatos, sanosque in conspectum prodire, vix quis negabit, hinc boni dentifricii problema est magis negativum, nempe eos in hoc statu conservandi, et non positivum. Omnis a natura formatus dens est pulcher, si mundus est, qui si per dentifricium, qua talis conservatur, tunc sanus a semet ipso perstabit, nam potentiis nocentibus remotis, tam fortis permanet, ut functionibus suis praeesse possit. — Nullum hinc remedium dentifricium chemice agat in dentes, sed solum subtilissimo modo mechanico removeat omnem mucum, salivam, cibos, vel alia peregrina, et superficiei encausto dentium convenientem tribuat polituram.

Inter constituenta boni dentifricii primum locum occupant Carbones, praeprimis ligni tiliae, huic se digne iungit Carbonas magnesiae, ob vim absorbendi, et peculiarem mollitiem. Lapides cancrorum, et creta alba praeparata simili agunt modo, ut Carbonas magnesiae. Ossa seipiae, conchae praeparatae, corallia alba, et rubra, sunt qua Carbonates Kali praecedentibus similia, pulverem tamen minus mollem largiuntur, hinc saltem apud adultos aliis pulveribus mixta adhibentur. — Cineres minus commendantur, imo sub certis circumstantiis etiam nocent; Praeferentiam prae his meretur sapo, qui non respiciendo saporem eius ingratum, est praestans ingrediens dentifriciorum. — Iris florentina, qua pulvis innocuus additur dentifriciis in gratiam odoris. — Hucadusque dentifriciis admixta ingredientia, uti alumen, Crem. tartari, acid. tart. citricum, borax, Chlor. calcis etc sunt qua absolute nociva rejicienda. — Inter materias colorantes usitatissimae sunt: Carmin, lacca florentina, sanguis draconis, bolus armena, corallia rubra, coccinella, lignum santali rubrum, ex quibus certae non omnes sunt indifferentes, et saltem primae duae in parva adhuc quantitate amoenum dant colorem. — Ut etiam organo olfactus, et gustus studeamus, adduntur aliquot grana vanilliae, v. aliquot guttae olei aetherei v. g. de Bergamo, Neroli, rosarum, caryophyllorum, menthae etc. Quod adplicationis modum adtinet, consultissimum esset, vesperi ante decubitus setulla molli, et dentifricio dentes mundare, nam secus residuis ciborum durante nocte tempus conceditur in putredinem abeundi, et altero mane dum removentur, effectum nocivum iam maxima ex parte exeruerunt: Inter dentifricia innocua haberi possunt:

1. A Professore Carabelli praescribi solitum :

- Rp. Pulv. alcohol. oss. Sepiae
 — — lapid. cancror. aa unc. unam sem.
 — — Cort. Cinnamomi
 — — Ireos florentinae
 — — Carb. ligni tiliae aa drach. tres
 Vanilliae grana 10. M. D. S. Zahnpulwer.

Pauperioribus dedit loco oss. Sepiae — astrocoderm calci-
 nat; qua aroma dedit Olenm de Bergamo.

2. Rp. Pulv. carb. lig. tiae unc. 2
 — cort. chin. flav. unc. sem.
 Olei caryophyllorum gutt 6
 M. D. S. Zahnpulwer.

3. Rp. Pulv. carb. lig. tiliae unc. unam
 — rad. ratanhiaee unc. 3
 M. D. S. Zahnpulwer.

Adhibeatur omni septim. 2 — 3 vicib.

4. Rp. Pulv. crustae panis tostae unc. β
 — rad. Ireos florent.
 — Catechu aa drach. 2.
 Olei caryophyllorum gutt. 20.
 M. D. S. Zahnpulwer.

5. Rp. Pulv. Santalli rubri unc. β
 — cort. chinae drach. duas
 — Myrrhae drach. unam
 Olei caryoph. gutt. 4. Bergamot. gutt. 6
 M. exactissime D. S. Zahnpulwer.

Color dentium flavus tollitur usu succi Citri. — Infanti-
 bus, et individuís iunioribus usque ad dentitionem secun-
 dam optime convenit carbonas magnesiae sine ullo addita-
 mento.

V. *Cosmetica contra foetorum oris.*

Denique commemorare convenit odorem oris ingra-
 tum, qui frequenter radicatur in immundo dentium statu,
 praeterea in turbato digestionis processu, vel in vitio pul-
 monum. — Primum obtinet, si inter dentes, vel in eorum
 cavis relictí cibi in fermentationem transeunt, vel praesen-
 te statu gingivae morbo. — Hic praeter munditiem par-

tum dietarum, lotionem oris cum pulvere carbonum, plurimum praestat solutionem chloratis calcis, vel Decoctum saturatum salviae cum foliis rosarum brevi tempore in ore servare. — Si malum originem ducit ex ventriculo, tunc adhibentur remedia, acida absorbentia, praecipue magnesi-
am, et saccharum in aqua miscendo, et vesperi ante decubitus absumendo, vel pulv. carb. lig. tiliae drach. semis, misceatur cum s. q. mellis, ut fiat electuarium per 3—4 vices absumendum; item evitatio certorum ciborum, quorum usus pyrosim, et evolutionem odoris ingrati producit, quales sunt: ova dura, pisces, caseus etc. — Vitio in pulmonibus residente, halitus oris ingratus obtunditur, per manducationem substantiarum, oleum aethereum tenentium, uti corticum saccharatarum pomi aurantii, citri, calami aromatici, diversarum rotularum v. g. piperitarum. — Plures pariter hunc in finem adhibentur miscelae:

1. Rp. Olei caryophyllorum

Olei cinnamomi. Ol. macis aa gutt. 40.

Pulv. Sacch. albi unc. 16

f. c. s. q. muc. trag. pasta, ex qua formentur rotulae.

2. Rp. Flaved. cort. Citri rasi pomorum sex

Pulv. Sacchari albi libram unam

M. exactissime, et forma cum muc. trag. rotulas, quae in ore solutae gratum spargunt odorem.

Theses defendendae.

1. Matrimonium ad Macrobiotica pertinet.
 2. Superfoecundatio est rara, sed possibilis.
 3. Hypochondria, et Hysteria sunt morbi toto coelo diversi.
 4. Conceptio immuni hymene possibilis.
 5. Tractamen Cosmeticorum medicum non dedecet.
 6. Quaestus Cosmeticorum esset interdicendus agyrtis.
 7. Medicus qui collegam invidia prosequitur, animi sulli imbecillitatem prodit.
 8. Euthanasia, sive ars, extrema vitae momenta minus dolorosa reddendi, inter medici officia non ultimum est.
 9. Asthma acutum infantum Milliari morbus proprius, et distinctus est a tracheitide acuta infantum.
 10. Diagnosio hydrocephali acuti, saepe perquam difficilis.
 11. Morbus ipse saepe est remedium morbi.
 12. Vis naturae medicatrix, necessitatem medicinae non subvertit.
-